

# ARUBA ANSE COURANT



Diario



pa Aruba

TRY . . . .  
**Tropical Cherry**  
a fine NEW softdrink  
from  
**Tropical Bottling Co.**  
call: 1773

Instala aireacondi  
cionado na Bo  
Cas AWOR!!



tel. 2170

ANJA 20

DIAMARS 30 DECEMBER 1958

Nr. 3322

## Junta Di Gobierno Ta Aumenta Belasting Ariba Companianan Estranhero Di Azeta

**SAN NICOLAS, Diabierne 19:** — Un belasting nabo a worde decreta daor di e Junta Provisional di Gobierno di Venezuela. Esaki lo requeri companianan Americano y di otra nacionalidad cu ta opera na Venezuela pa paga mos of menos diez por ciento mas di nan entrada cu forza retroactivo pa 1958. E cambio aki ta un golpe duro pa industria petrolero na Venezuela, y ta cambia drasticamente e clima pa inversionnan estranhero den e pais aki. Door di e accion aki Venezuela ta bira e promer pais na mundo cu ta kibra e cambio di partimento di 50—50 den frutonan di e industria.

Otro paisnan cu ta produci azeta recientemente a cerra clerio combenianan di azeta cu ta desvia for di e formula di 50-50, pero den ningun caso concesionan existente di combenianan fiscal a worde modifica. E ta un kibramento unilateral di un combenio entre gobierno y e industria na 1943 no obstante promesa haci na e companianan di azeta door di presidente di e Junta cu ningun cambio afectando industria di azeta lo worde haci door di e gobierno provisional.

Semper ta un preocupacion serio pa un empresa comercial ora un gobierno haci cambionan unilateral cu ta cambia e base pa nan operacion, y particularmente ora e cambio worde haci cu forza retroactivo. Tal accion no solamente ta destrui confianza y comprendemento cu ta asina necesario pa conduci un empresa, pero e ta reduci e incentivo pa inverti mas capital.

**Costonan ta subi**  
Aumentonan den belasting, particularmente ariba empresanan petrolero,

ta aumenta e costonan di haci negoshi y ta pone un handicap grandi pa enfrenia e severo condicionnan competitivo cu ta existi mundialmente den industria petrolero awe. E resultado solamente por ta adverso pa tur esnan concerna — gobierno; compania; su empleadonan y e hendenan.

### AIR CONDITIONING

#### Declaracionnan di Holman

Gravedad di e situacion a worde splica den comunicadonan duna pa Presidente H. W. Haight di Creole y Eugene Holman, presidente di Junta di directiva di Standard Oil Company (N.J.). E siguiente ta remarcacion di Sr. Holman tocante e decreto nobo pa aumento di belasting:

„Jersey Standard ta profundamente preocupado, no solamente como un di e accionistanan mas grandi di Creole Petroleum Corporation y International Petroleum

Company, Ltd., pero como un institucion comercial tambe, door di e accion sorprendente di gobierno di Venezuela cu a asegura nos afiliadonan cu ningun cambio afectando industria petrolero lo worde haci door di e junta provisional. Ta particularmente motibo pa preocupacion cu e gobierno provisional a tuma tal accion sin ni discuti e aumentonan drastico den belasting cu e industrianan cu ta worde afecta.

„E salud di mundo comercial y progreso economico general ta depende ariba confianza y buena fe den combenianan estableci. Pa un di e partidanan cambia tal combenianan sin recurso na negociacion ta igual cu danja e intimo relacion cu ta asina esencial pa beneficio mutuo di ambos banda. Door di no haci uso di e oportunidad pa discusion mutuo y analyse cu industria di azeta pa haya un solucion conjunto na ventaha di tanto gobierno como industria, e gobierno provisional, segun mi, seguramente a mengua e incentivo pa capital priva inverti na Venezuela.

„E parti di ganashi na Venezuela cu ta toca e companianan petrolero ta bai mayoria pa beneficio di e nacion Venezolano. Un gran parti di e ganashinan aki cada anja ta worde re-inverti den e pais pa asina mantene crecemento y desaroyo normal.

„Ademas, Standard Oil Company (N.J.) y su otro companianan afilia ta haci inversionnan grandi den hopi parti di mundo y ta desaroyo facilidatnan di ventas. E inversionnan aki ta beneficia Venezuela door di furni salida pa azeta crudo y productonan petrolero. E naturaleza mas y mas competitivo

di industria petrolero moderno ta haci cu ta di mas alto importancia cu no solamente e salidanan estranhero cu ta existi actualmente worde manteni, pero pa nobo worde estableci den mercadonan nobo. E accion aki door di e gobierno provisional di Venezuela seguramente lo haci necesario re-examinacion di inversionnan internacional en vista di e decreto nobo di belasting.

„Mientras ta muchu tempran pa pronostica kiko lo socede, e resultado por bien ta menos entrada pa nacion Venezolano cu loke e ta recibiendo segun e plan di partimento igual.

„Accion di e gobierno provisional sin duda lo afecta inversionnan mucha mas leu cu industria petrolero. Mientras Venezuela ta emharca ariba su camin nobo democratico conduciendo pa un auge economico y bienestar social pa tur su hendenan, e interes di e hendenan ta keda primeramente den no stroba e clima pa inversionnan internacional, pero pa mehora'le. (Veldruk di Redaccion).

Esaki ta un declaracion cu Lago a haci ayera. Ora cu nos a puntra un portavoz dje compania mencionada na unda e medidanan di e gobierno Venezolano lo afecta e empresa di Lago, nan a desea di no duna comentario. Como motibo dje degenacion aki nan ta bisa cu na e momento aki ainda nan no por pronostica con leu y di cual manera e medidanan aki lo afecta Lago.

### Estrella a empata dos biaha na Corsow

(Di Nos Sportreporter)  
**ORANJESTAD** — Durante un ultimo weekend e onceda di futbol di Sta. Cruz Estrella a hunga dos partido di futbol na Corsow. E promer tabata contra di Sithoc, mientras cu nan segundo tabata contra di Centro Dominguito, ambos equipo di e clase mayor di Corsow.

Tur dos wega cu no a atrae mucho publico pa motibo di e partidonan internacional contra di Malmo, a termina cu e score empata na 1—1.

### ACCIDENTE FATAL NA DEN HELDER CU A COSTA BIDA DI CUATER PERSONA



Algun siman pasa den anochi un auto a baha den Den Helder y a costa bida di cuater persona cu tabata sinta adentro. Nan a cabi di haci un bishita na e bapor „De Ruyter“ y e chofer a kome caminda robez cu e resultado fatal. Tabata un sargento dje mes bapor menciona, huntu cu su esposa, un otro senjora mas y su subrina. Riba e foto nos ta mira con nan ta saca e auto for di awa. Den e outo nan a hanja tres cadaver, y di cuater mester a sali di un manero of otro, cual nan a bin hanja tambe poco despues den awa.

### Victimanan di fiesta di Pascu tabata menos cu custumbra na Merca

**NEW YORK, 29 dec.** — E cantidad di victima na Merca como resultado di accidentenan di trafico durante e weekend largu di Pascu no tabata asina grandi manera nan a pensa cu lo e tabata ta. Segun e ultimo detallenan 592 hende a muri den e ultimo 4 dianan den e ayanan di Merca. Nan a kere cu e 620 hende lo a muri.

93 hende a muri door di candela y 96 door di otro accidente. Un total cantidad di 781 hende a muri durante e weekend door di accidente.



**Un stoof**  
Siman pasa na vinger pier no 4 den refrineria, polis mester a interbeni. Ta parece cu K.M. a dal su companero A.C. un stoof bentele na suela, y asina K.M. a herida su cabes. Polis a hiba e victima cerca su capitan.

**Pelea na Madiki**  
Siman pasa tabatin un bringamento na Paseru Madiki 28, un tal senjor N. a worde maltrata door di P.T. Polis a jega y a pone fin na e pelea. N. a hanja un herida na su cabes. Dr. Schaeffer a duna prome ajuda y N. mester a bay cu polis pa keda na warda te ora cu su buracheria kita.

**FATUM — Tel.: 1845**  
Pa tur bo aseguronan

**Maltrato**  
Antajera tabatin un bringamento den New York Restaurant, polis a jega y a pone un punto final na e pelea. E bringadonan tabata R.K. cu tabata bao di influencia di alcohol, y a worde golpia pa un persona desconoci.

### Campeonato di Futbol pa Muchanan di School Organisa pa meesternan di school

**ORANJESTAD** — Anja pasa tabata kinder- en zedenpolitie, kende durante kerstvacantie a organisa un torneo di futbol pa muchanan di school. E anja aki ta un grupo di meesternan di school, di La Salleschool, Tharcisius College, Margrietschool, Mon Plaisirschool y schoolnan di Noord y Santa Cruz, quende a pone cabes huntu y a organisa un sublime competicion di futbol.

Dia 22 y dia 29 u.p. tabatin wega caba, mientras awe tardi lo tin otro encuentro di 2 'or pa 5 'or, mayan mainta di 8 'or pa 11 'or y Diabierne atardi tambe di 2 'or pa 5 'or. Tur e matchnan ta worde hunga den Wilhelmstadion.

Firma Kan a pone un bonita copa desponibel, como, prome premio y firma Gebr. de Wit a regala como 12

**Dos damas**  
Siman pasa asistencia di polis a worde pidi pa un bringamento den Columbusstraat. E bringamento tabata entre dos damas: A.D. y S.M. Polis a hiba nan warda pa investiga e caso.

**Hanja y perde**  
Ajera polisnan cu tabata di patrulla a hanja diesun paki di sigaria ariba e caminda entre Barkadera y La Esperansa.

**Un stoof**  
Siman pasa senjor George Britten, cu ta hiba na Lago Heights No. 814, e perde mitar tabla di biljechi. Number di e biljechi ta 11933, y ta biljechi pa un wega di 2 di Januari 1959.

**Bicicleta a tumbé**  
Diadomingo atardi nan a avisa polis cu tabatin un homber cu a cay di su bicicleta banda di Strand hotel. Ta parece cu ta un tal A.C. cu probablemente tabata bao influencia di alcohol. Polis a manda e senjor su cas na pia, y a hiba e bicicleta warda.

**Tiramento di piedra**  
Siman pasa senjor C.A. a avisa polis cu ora cu e tabata bini for di Paradera, nan a tira su auto cu piedra, causando un danjo di f 50.— na su auto.

**Botsmento basta serio**  
Diasabra nuinta tabatin un botsmento basta serio banda di Mabuma y Papijon. Tabata entre A.2348 y A.1663. Chofernan tabata R.E. cu C.W. Un dama cu tabata cu su jibe muher den A.2348, a kibra pia, y a worde transporta pa Lago hospital inmediatamente. Danjo material ta f 3700.—.

**CINE**  
AWENOCHI  
30 DECEMBER

---

**DE VEER THEATER.**

8.30 or **EL FRUTO DEL AROYO (Le long des Trottoirs)** 18 anja  
Cu: Anne Vernon - Dank Patksson - François Guerin  
Fl. 1.25

---

**RIALTO**

8.00 or **„HAY ANGELES CON ESPUELAS“** 18 anja  
Cu: Luis Aguilar - Miguel Aceves Mejia - Carlos Martínez  
Baena - Arturo Martínez  
Fl. 0.75

---

**PRINCIPAL**

8.00 or **GUILTY (La muerte tiene raices)** 14 anja  
Cu: Joline Jusiu - Barbara Lane - Donal Wolff  
Fl. 0.75

---

**AURORA**

7.30 or **„A DAY OF FURY“ (DEUDA SALDADA)** 18 anja  
Cu: Dale Robertson - Mara Corday - Jock Mahoney  
Fl. 0.75

---

**SAVANETA**

7.30 or **„SIGN OF THE PAGAN“ (ATILA FRENTE A ROMA)** 18 anja  
Cu: Jeff Chandler - Jack Palance - Ludmilla Tcherina  
Fl. 1.—

**Harry son,**  
**the MAGGI Seasoning!**

For easier,  
more appetizing Salads,  
Fish, Meats, Soups and Gravies,  
just add MAGGI Seasoning.

Everything tastes better... with MAGGI Seasoning!

**MAGGI**  
Seasoning

# VICTORIA SODAWATER

de uitgelezen mixture voor Uw longdrinks

## VICTORIA BOTTLING Co. phone 5192





Kende ta laga di tin problemus? Tur dia nos ta experimenta esaki: hobennan riba terreno di amor, school deporte y na cas cu nan mayornan, mayornan cu educacion di nan jiu nan, relacion entre exposo cu nan senjora, quehaceres di nan mas, relacion cu bisinia y familia.

Como Rosemary sabi cuanto problemus ta molestia un of otra persona, e la pone su mes na disposicion pa tur dianan e diha conseho gratis riba e diferente problemaman cu bo por confiele den nos corant. Manda bo carta pa "Arubaanse Courant", Nassaustraat 85 y scribi den un hoeki di e envelope bon cla "Correo Confidencial". Si en caso bo problema ta concerni algo mucho personal di bo pa ponele y pa ser contesta den nos corant, anto bo por ta asina bon di inclui den e envelope otro envelope cu bo adres riba dje y stampia y e ora bo ta hanja un contesta personalmente.

Rosemary ta dispuesto na yudabo!

Querida Rosemarie, Anja ta cabando i mi curazon ta sufrir na un manera terribel. Rosemarie, den e anja aki mi a perde mi juncuman, cu mi tabata stima asina boni. Mi problema ta, cu mi no por lubidele i cu

E LECHI MAS POPULAR NA ARUBA

Advertisement for Friesche Vlag milk. Includes an illustration of a flag and the text: "FRIESCHE VLAG - Smaak Fantastico".

Advertisement for wedding services. Includes an illustration of a bride and groom and the text: "PLANNEN VOOR EEN HUWELIJKS- of VACANTIEREIS? Wat dacht U van een Rondreis met de K.N.S.M. B e l Oranjestad Tel. 1778 San Nicolas Tel. 5296."

Mi ta jora tur anochi te ora mi pega sonjo. El a bisami tur seimper cu e ta stima mi, e tabata scribi mi hopi carta, jantanan na telefon, mandami regalo, flou, tarjeta. Tur cos pa haci mi curazon kere cu su amor ta berdadero. E ta algun anja su mas bieuw cu mi i ami tin 19 anja. Dia mi concorde ma bisele cu mi no ta kere tur lo ke hende bisami, pasobra humber ta gusta ganja.

Ma bise esey pa tende su edea. Awor el a sigura mi cu e ta stima te na morto, i en ta cu mi so lo e casa. Rosemarie, despues mi a sinti malo i mester a keda algun tempo na cama. Pero mi a bira tur bon, mi ta traha trobe i mi no falta nada. Paree cu un amiga mes di mi a bise a juncuman cu mehor e kita tur idea for di mi, pasobra mi tin enfermedad i malesa. El a kibra su amor pa mi, i e anja aki nan a compromete, segun mi ta tende nan lo casa otro anja.

Di dia cu mi a bira bon, mi no a mira e muha humber mas. Ma jamele na telefon dos vez, nan a bisami cu e no ta na cas. Despues ma comprende cu e no kier a papia cu mi mas. Kiko mi haci pa lubidele? Con un bende por trata un otro asina malo, despues di a dihe hopi amor i promesa di amor? Rosemarie, mi ta kere cu mi ta e muha humber di mas desgraciada cu ta biba aki na Aruba.

..SOLEDAD..

Soledad, Mi amiga, bo carta a impresluna mi hopi como mi por imagina mi cu bo ta sinti berdad. Bo tin 19 anja so i ja e ora cu bo a conoce hupi amargura i dolor. Pero kere mi lo ke mi ta bai confiar bo: tras di tur anochi sear, luz di dia tur bolbe sali. Tras di tur e tristiza aki lo bo bolbe bira feliz. E muha humber a yosa bo cabes cu promesa, flor, regalo, etc. pero su curazon no tabata amor berdadero pa bo, si no ora epi o tabata malu na cama. Lo e a muestra bo mas amor aloda. Ta bon oies cu el a aleha for di bo bida, ja awor bo tin chance na sinha conoce un lende cu lo sinti bo berdaderamente. Talvez lo e no bini cu hopi bunita palabra i promesa...pero cu lo bini cu amor berdadero cerca bo. Lo bo scribi mi ou carta e dia ev. contami cu bo ta feliz? Mi ta desea ho felicidad di henter mi corazon. Soledad!

Rosemarie.

Respetable Rosemarie, Rosemarie, mi ta bini cu mi problema cerca bo, i mi ta spera cu lo bo por duna mi un conseho kiko mi mester haci. No pone mi nomber mes bon di mi carta, pero pine e nomber cu bo mes kier. Mi problema ta esaki: Mi ta tin muha humber di 23 anja i mi ta namora na un muha miber di 20. E ta bunita i tur mi amigonan ta bisi mi cu tin un bon galinja. Mi sa bai si esei i ja e ora mi tabatin idea di compromete cu el otro anja. Pero a sosode cu ultimo lumanan nan ma ripara cu e ta bisti tur siman un bisti nobo, zapato nobo, sombre i tur e cosnan ey. Su mama a bisami un dia cu e hende cu casa cu el mester mira pe por sigui bisti mes bon cu e ta costum-

bra awor. E muha miber ta gana apen- mas f. 100, pero e ta gusta di esey na cos di bisti, mientras cu su familia ta pover. Mi familia tambe ta pover i mi placa cu mi ta gana ta basta bon, pero no di gana. Antes e muha miber tabata bisti otro manera i ma kere cu nos por a casa i biba bon, pero awor mi ta cuminsa dinda. Si mi bisele esey, lo e kere cu mi ta cheap, i ademias mi no por bisele nada awor. No ta mi asunto. Mi no sa bon kiko mi haci, ma si nos dos casa i e sigui bisti asina, nos casamento ta bira un fracaso pasobra mi tin moda. Kiko mi haci, Rosemarie? Mi ta stima e hopi i mi no kier kibra cu el tampo.

X.

Mi amigo, bu tin TUR RAZON, bo kier casa cu un muha miber cu lo bira bo esposa i despues nuama di bo juman, bo no kier casa cu un popochi cu ta bisti-kita tur ora bal. Hopi muha miber no ta comprende cu mas ta

spanta un juncuman cu tur e bismiento luboso ey. Un juncuman ta gusta pa su "galinja" ta bon bisti...pero no pa cada vez e tin otro bisti caro, otro zapato, sombre, cudena, collar, etc., etc. Bo sa, mi amigo, mehor cos ta bo splica e muha miber cu si e tin idea di compruete i casa cu bo, mehor e bisti bon, pero cu moderacion. Bo ta bise bon cla cu bu no ta millonario, i cu felicidad i amor bal pa bu mucho mas cu bismiento di panja nobo tur ora. Talvez e no ta pensa mas aleu...i e ta bisti usina djes pa bo gusto...pa bo haye mas bunita. Ora bo splica bo idea, lo e comprende cu ta bobedad e ta haci. Placa cu e mester usa mehor, e ta mal-gasta na cu'l liexo. Si e ta stima bo ta sigur cu lu e tene cuenta cu bo desee? Ora e mama bulbe bisa bu un cos asina, responde cu respet, pero bisele cu no ta bismiento ta e cos cu ta haci un matrimonio feliz, pero ta amor i carino!

Rosemarie.

Paisnan Suramericano ta desea di intervenir entre gobierno Cubano y Fidel Castro

Buenos Aires, 29 dec. — Circulacion bon informa na Buenos Aires ta informa, cu Argentina y algun otro pais di Sur America ta dispuesto na interveni den e guerra entre presidente Batista di Cuba y Fidel Castro, pa efectua negociacion entre nan des pa termi- na e guerra civil na Cuba.

E embajador cubano na Buenos Aires, Bravo, a tuma su retiro ayera. E kier trata di efectua e intervencion. E ministro di asuntunan exterior di Argentina a ricibi Bravo ayera noch. El a stimula Bravo su esfuertonan.

E radioemisor dje rebeldenan cubano a informa, cu e trupanan di gobierno a perde 600 solda durante nan ultimo operacionnan y rebeldenan a perde 27 solda cu a muri y 50 cu e hanja herida. E rebeldenan a conquista e lugar Palma Soriano, campida e trupanan di gobierno tabata tin nan cuartel general pa hopi luna.

Segun e radiotransmisor dje rebeldenan Cuba lo ta "liber" pronto. Ningun hende y nada no por stop e marcha padilanti dje trupanan di Fidel Castro.

Segun e radioemisor lo ta posible

pa forma un gobierno provisional pronto bao di direccion di Manuel Urrutia, un ex-magistrado di Santiago, kende ta bringa na Oriente na banda dje rebeldenan.

E habitantonan di Havana tur ta seucha e transmisionnan dje rebeldenan cu masha atencion. E radioemisor oficial no ta transmiti noticia dje bringamento den e provincia di Oriente.

Segun e ultimo noticianan dje rebeldenan nan ta domina e caminda grandi di Bayamo pa Santiago y 4 columna di rebeldenan ta na caminda pa Santiago pa proclama un gobierno nobo aya. Trupanan di gobierno a fortifica e ciudad.

Discusion tocante Cyprus

ANKARA, 29 dec. — E ministro di asuntunan exterior di Turkia tabatin su segundo discusion den menos cu 24 hora cu e embajador griego na Ankara. E discusion a dura 2 hora.

Circulacion gubernamental ta man- tene silencio respecto e discusionnan aki, cu ta masha intensivo desde ayera. Segun nan e discusionnan ta to- ca e asunto Cyprus y ta pa prepara un conferencia di 3 potencia entre Inglaterra, Grecia y Turkia, cu partici- pacion dje lidernan dje comuni- dadnan griego y turco riba e isla. Segun circulacion diplomatico ta



Despues di nan matrimonio den stadhuis di Amsterdam e parha aki di Amsterdam, M.B.C. de Lang-Celbo, kende como huesped di e ciudad italiano, Trento ta pasa un siman di luna di miel den e ciudad aki. Riba e portret nos ta mira con e hoben bruid ta hanjele cu un colebra bibo colga rond di su gorganta, durante cu nan tabata bishita un diertuin na Trento.

Apuntes Editorial

E refinarianan grandi cu ta opera na Venezuela a keda masha concerna cu e reciente aumento di casi diez porciento di e winstbelasting. Esaki ta keda cam- pra entre otra cu e declara- cion detalladamente, cual nos ta publica den nos edicion di awe, haci door di miembronan di directiva di Creole y Standard Oil (NJ).

Comentario di Lago mes tocante e caso aki a keda li- mite te ainda cu "no tin comen- torio", pa motibo cu non na por a delibera suficiente aida tocante e posibil re- sultadonan.

Apesar cu ta facil pa han- ja algun idea di awar caba kiko lo ta e resultadonan.

E cooperacion entre e pro- ductarnan (venezolano) di zeta y e refinarianan Anti- llana ta masha cerra.

Medidanan tuma contra un di nan pues la afecta e otro y asina vice versa. Cu otro palabra cu e medida- nan cual Venezuela recien- temente a tuma contra Creole a lo largo lo afecta Lago, di cual manera, esey ta paca dificil pa bisa awor, pero wel par yega na e si- guiente pensamiento:

Si Creole ta hanja menos ganashi door cu e tin di pa- ga un parti mas grandi na Estado di Venezuela, esaki ta nifica cu Creole lo tin menos capital desponibel pa investa den facilidadnan ac- tual y den buscomento di fuentenan nobo. Esaki por- caso a lo largo aumento di precio costa y di tal mane- ra, cu pa Creole (y asina pa Lago tambe cu ta compra e zeta cruda cerca Creole), ta bira mas dificil pa vende su zeta na e plazo mundial, pa motibo cu e ta mucho caro y cu na otro lugar (na Mediano Oriente por chem- plo) e zeta lo ta mas baroto.

En... MESKER moekt mijn MEUBELN

Air Condition your home

Otro factor den e asunto aki ta, cu na otro paisnan nan ta worde anima door dje paso tuma pa Venezue- la y ta boi aumenta nan porcentahe di ganashi tam- be. Asina cu e asunto por bira algo castoso pa empre- sonan petrolero.

No cabe duda cu esaki lo tabata e motibb cu presi- dente-comisario di Standard Oil a expresa palabranan fuerte den su comunicado.

E empresa internacional aki naturalmente tin miedo pa cambionan general.

Awor un bes lo no tin mu- cho cambio, pera mester ke- da bon na control con e asunto aki lo sigui desarro- lla su mes.

Di otro banda siguiente pregunta ta worde haci: Pa- kiko Venezuela o yega na e decision pa tuma e paso aki? Na ta un pais enorme- mente rica.

Dictadura di Perez Jime- nez ta un gran parti causa dje medidanan aki, pa moti- bo cu durante su gobierno nan a cumisa proyectonan demasiada grandi y mucho placa a keda den larja.

Asina tantu placa, cu e pais mester tuma medida- nan drastico pa no denje su condicion di pago. Te hente prestamonon mester a wor- de haci na otro paisnan po- por cumpli cu cierto pa- gamentonan. Ademias non kier aumenta e base di pro- peridad pa motibo cu go- bierno ta duda cu e zeta cu tin lo keda pa eternidad.

Nan ta calcula e reservanan actual pa mas o menos 15 onjo mas. Awor po aumen- tacion dje base di prosperi- dad mester di capital, placa cu empresanan petrolero mester produci, pues esey ta loke Venezuela tin den su pensamiento.

Aruba lo worde afecta den e asunto aki, por te tem- pran y por ta despues. Asina cu ta necesario, mas cu nunca pa cumisa pensa di ewor caba na cual monera por confronto en casa di decadencia di industria pe- tralero.

Un plan bon pensa mester worde proyecta, un plan cu ta valido pa hopi anja lar- gu. Ta mas facil pa bise of scribi cu haci naturalmen- te, pero esaki ta un necesi- dad di bida pa nos isla.

Texas Furniture Store VOOR YOUNGSTOWN KITCHENS.

Territorio Insular di Aruba

Gezaghebber interino di territorio insular di Aruba y Senjora Henriquez gustosamente lo tene un recepcion pa ocasion di anja nobo ri- ba diahuebes 1 di januari 1959 entre 11 or y 12.30 or di mainta na Hotel Strand.

Aruba, 30 december 1958.



SIN NINGUN PROBLEMA Mientras cu na Hulanda tur hende ta bon bisti cu winterjas pisa, den sur di Francia tin un tempo di mas sabroso cu por desea. Riba e foto aki bo ta hanja un idea.



Obtenibel tur caminda

FRIESCHE VLAG CUSHINANDO LIHER Y DELICIOSO HAVERMOUT y ta duna EXTRA FORSA y ENERGIA.

◆Bleki tin puntonan di bolor pa boeki aden.

Obtenibel tur caminda.



More people buy and enjoy Maxwell House than any other brand!



It's the one coffee with that Good to the Last Drop flavor!

A Product of General Foods



INVENTARIO

Pa motibo di inventario nos lo ta

SERA

diabiernes 2 di januari p.v.

Fa. N. HABIBE JR.

HOTDOGS

di UCHEE

Ningun otro parti bo ta hanja nan mas delicioso.

Ningun otro parti bo ta hanja nan mas mihor.

Ademas sabroso croquetes, sandwiches, etc., etc.

Un bon surtido di revistas — Refrescos y ice-cream excelente.

UCHEE'S PLACE
Nassaustraat — Oranjestad

PAGINATRES

Derrotando Friesche Vlag 7-2 Adams Chiclets Ta Den Prome Lugar

Arrow a gana Cocomalt den ultimo inning

Di nos sportreporter

O'STAD: — E dos novenan di mas fuerte den e Campionato Little League, Friesche Vlag y Adams Chiclets, a enfrenta otro dia Domingo mainta den presencia di un numeroso publico. Manera nos a encabeza e articulo e victoria a keda den man di Adams Chiclets, e novena precedente di Sta. Cruz.

Tabata un victoria indudablemente bon mereci, ya cu lanzador Colai Carolina atrobe tabata tin un bon dia y a conta cu respaldo di su companjeronan. Mientras cu e punto fuerte di Chiclets tabata pitchero esaki tabata exactamente e punto weak di e dactoteran. Nada menos cu cuatro pitcher a desfila den e seis inningnan ariba monticulo di Friesche Vlag. A habri Chomi Richardson, kende den e cuarto inning a mira tres otro companjero di dje prueba contene e tolerancia di Chiclets. C. Thiel a wordé yama for di centerfield, luego shortstop Dany Pablo y por ultimo I. Jacobs, segun da base kende a termina e wegá pa nan.

Falta di control tabata e factor cu a perhudica e lanzadornan di Friesche Vlag. Den e cinco inningnan e cuatro lanzadornan aki a regala un total di 11 base por bola, loke ta nifica un promedio di mas cu dos pa inning. (Ademas Chiclets no a tuma su turno di bati den e sexto).

E hobennan di Friesche Vlag ta habri anotacion den e promer mitad di e tercer inning. E Rosario cu ta habri e inning ta conecta fly den rumbo pa centerfield ariba e promer lanzamiento di Carolina. E diminuto centerfield ta haci un calculo malo y ta permiti e batata banje convirtiendole asina den un homerun pa pope e score 1-0.

A pesar cu despues di esaki dos otro hungador ta embasa no ta bini mas anotacion den e inning.

Chiclets no ta tarda pa contesta y den e mes un inning ta cruza homeplate dos biaha pa asina bai ariba. Pitcher Richardson ta cuminsa muestra mas descontrola pasandole hopi bola. Maduro cu a habri ta ricibi pasage gratis, pero ta wordé forza na segunda riba un rolling di Heronimo pa shortstop. Heronimo ta yega segunda luego ariba un wild pitch. Despues cu F. Croes ta ricibi base por bola, Albertz ta fouilly pa primera pa out number dos. E siguiente bateador Carolina ta roleta pa shortstop Dany Pablo, kende ta recoge y tira segunda buscando e out forza, pero e bala ta rebota contra di pecho di e segunda base yegando asina tur tres corredor safe. Base por bola pa Thiel ta forza e carrera di enpate den pia di Heronimo.

Ridderstaat tambe ta ricibi base por bola y asina e segunda carrera ta wordé forza. Linea di Webb den man di segunda base ta cerra e inning. Sin conecta hit Adams Chiclets a anota dos biaha pa tuma un ventaha cu nan no a laga bai mas.

E inning number cuatro ta bira peor ainda pa Friesche Vlag ora cu cinco carrera mas ta wordé anota door di nan rivalnan. Pitcher Richardson siguiendo descontrola ta habri regalando base por bola na M. Croes. Centerfield Thiel ta wordé yama e esaki ta ocupe di e caha di lanzador, mientras cu Richardson ta bai defende jardin central. Pero Thiel tampoco ta bin controla y ta regala base por bola na M. Maduro. Atrobe e manager di Friesche Vlag ta dreña terreno y e biaha aki ta yama shortstop Dany Pablo pa bin pitchea mientras cu Thiel ta bai back den su posicion original pasandole Richardson pa shortstop. Pablo tambe ta dreña cu mal pia ta regala pasage gratis na Heronimo pa yena e basenan. E promer out ta bini despues di esaki ora cu F. Croes ta fly pa right sin cu e hungador na tercera a probecha di e chance di pisicorre. Albertz ta conecta incogible den centerfield empuhando M. Croes for di tercera. E corredor for di segunda ta anota tambe ora cu e catcher di Friesche Vlag ta comete error. Y pa di tres biaha nos ta mira e manager di Friesche Vlag dreña terreno. E biaha aki e ta yama segunda base Jacobs pa pitchea bayendo Pablo back pa shortstop y pasandole Richardson na segunda base. Carolina ta salida e lanzador nobo cu hit den leftfield, caminda e leftfielder Rosario ta comete error cu e permiti tanto esunnan na base como Carolina anota. Thiel a sali cu fouilly pa catcher, pero Ridderstaat ta ricibi e base por bola number cuatro di e inning. Webb ta cerra e inning cu rolling pa segunda. Cu e cinco carreranan aki e score a bira 7-1 na favor di Adams Chiclets.

Den e proximo oportunidad di Friesche Vlag nos ta mira e mihor atrapa di e mañta ora cu Joseph ta conecta lineatazo entre segunda y primera cu e primera base Maduro di Adams ta atrapa den gran forma.

Cu tur posibel confianza Carolina ta lanzando. Principiando e sexto inning Pedro Pablo, receptor di Friesche Vlag, ta conecta fuerte rolling pa segunda. Esaki ta comete error y como e rightfielder ta hungando hopi carga ariba linea e no por corta e bala mas y asina Pedro ta corre ta home pa e segunda carrera di su club. Te aki Carolina a permiti su rivalnan yega ya cu e la retira e siguiente tresnan consecutivamente.

Adams Chiclets a obtene asina su cuarta victoria den mes tanto salida pa un average di mil punto. Pa Friesche Vlag esaki ta su promer derrota mientras cu nan tin cuatro victoria tambe. Sigui lesa riba pag. 4

Cumpleaños feliz

Pa cortesia di

MARIO'S

— nos tin tur cos pa bo fiesta —

Awe ta cumpli 14 añja Filomena Henriquez. E ta ricibi felicitacion di su mama, tata, 9 rumannan, Modesta, Donnicio, Manuelita, Pedro, Jacinto, Simplicio, Mario, Mariano, y Rolando, especialmente di su amigunan Anita, Teresita Figaroa y Causilia Henriquez.

Señorita Elsa Keno a celebra su feliz cumpleaños y ta ricibi felicitacion di su mama, tata, su rumannan, primanan y primonan, tambe di su amigunan Cecilia Janie, Cornelia Henriquez, Enrita Oduber, Rita Rock, tambe di Regina y Imelda Hernandez, familia Kamp, Hernandez, Gomez, tambe di su amigunan di Huishoudschool.

Bo mester di un regalo pa bo jioenan??

MARIO'S

Cos pa hunga „Gilbert“

Señor Jan Wester ta cumpli 26 añja. E ta ricibi felicitacion di su esposa Jacintha, Juan Rudolf, Mercedes, Elvira y su mama Johana, rumannan Felesita, Pooi, Pedichi, Mariana, sobrinonan, Rolando, Rudi, Soberina, Gladys y Harold, especialmente di su tres ihanan, tambe di suegro y suegra, cunjanan, familia Wester.

Theodore Bernier ta celebra su feliz cumpleaños y ta ricibi felicitacion di su amigunan di Y.M.C.A. na San Nicolas.

E gentil caballero David Odor ta celebra su feliz cumpleaños y ta ricibi felicitacion di Rosa Boekhoudt.

Discusion entre Guinea y Francia

PARIS, 29 dec. — Un delegado especial dje prome ministro di Guinea tabata tin un discusion cu prome ministro De Gaulle awe y despues el a declara pa periotistan cu e ta spera cu pronto lo por soluciona e „Mal entendimentu“ entre Francia y Guinea.

Bombardeo di Quemoy
TAIPEH, 29 dec. — E baterianan costal di China Comunista y China Nacionalista a bombardea otro severamente awe den vecindario di Quemoy. 1717 granata a cai riba Quemoy. E cantidad di granata, cu e comunista a bombardea Quemoy eune, no ta conoci.

TA BERDE?

Un amiga ta puntra otro: —E amigo nobo di bo ei, e tin bon intencion? —Como no! Solamente casa e no kler casa!

WANT MORE EGGS? FEED



ARENDS AGENCIES TEL. 1478

„ULTIMAS NOTICIAS“ obtenible na UNION STORE Mainstreet - San Nicolas

Semper fresco, semper barata y semper limpi. KEES GROCERY N.V. TEL. 1079

ADMIRAL television '59

tambe: Refrigeradores, radios, etc.



SAADE STORE Tel: 2189 Tambe un surtido inmenso di muebles.

Homogenized Pasteurized Sterilized



100% Safe TRY IT! Spaar e etiketanan, nan tin balor.

Pa avisa y tur correspondencia pa „Aruba Courant“ dirigitu na Nassaustraat 85, Oranjestad. Telefon 1116 Directo y Aviso 1115. Redaccion y Suscripciones: Casaca di ARUBAANSE COURANT, pa serda obtene na San Nicolas na Union Store, Mainstreet.

AGENDA
DIAMARS 30 DI DECEMBER
DE VEER, 8.30: „El fruto del arroyo“
RIALTO, 8.00: „Hay angeles con espuelas“
PRINCIPAL, 8.00: „Guilty“
AURORA, 7.30: „A Day of Fury“
SAVANETA, 7.30: „Sign of the Pagan“

MESKER ta drecha MUEBELNAN

BOTICA DI WARDA Botica Del Pueblo

TAORO - MANGO juice

Tel. Clubgebouw 2341 Tel. P. C. Harting 2010 Tel. despues di ora di oficina 1522

AIR CONDITIONING

INTERNATIONAL B. F. GOODRICH TIRES Prijs vanaf Fl. 30.— S. N. ECURY N.V. ECURY MOTORS LTD.

RADIO CARACAS TELEVISION Canales 2, 7 y 10 Martes, 30 Diciembre, 1958

7.55 Marcha oficial
7.57 Informacion programas del dia
8.00 Lo de Hoy
9.30 Consero „Papa Noel“
10.00 Pelicula
12.00 Show de las doce
1.15 Su Novela Fab-Norita
1.30 El Imparcial Television
2.00 Pelicula
4.00 Club Femenino
5.00 Cosas de Mujeres
5.30 La Perfecta Ama de Casa
6.00 Show de Benny
7.00 El detective Lagrahn Tortta
7.15 La Novela Unico
7.30 No diga si... no diga no
8.00 El Observador Creole
8.15 Su Novela Palmolive
8.30 Ellery Queen contra el crimen
9.00 La Novela Camay
9.15 La Novela L&M
9.30 La Tercera Llamada
10.00 Por el mundo de la cultura
10.30 Cineprograma
12.00 Despedida—Himno Nacional

Camera nueva Zeis Ikon
Contina - Contaflex - Contaz
FOTO IDEAL Oranjestad
KUSTERS TRADING CO. Nassaustraat 8

Cereci di ho cus un surtido enorme di BEBIDA TITICHI'S RUM SHOP

Materiales de construccion



Better quality - lower prices ARUBA TRADING CO. Deposito - Weststraat

VIEW the NEW!

TODAY December 30th from 4.30 - 6.30 p.m.

The LARK by STUDEBAKER



The LARK.... handles like a lady, parks on a postage stamp, turns on a dime. And still is AMERICA'S BIGGEST BARGAIN FOR 1959 NOW on DISPLAY ARTURO M. ARENDS KORTEWEG 2-4 TELEPHONE: 1073-1074

Un Descubrimiento Sensacional pa TUYUCHI

No. 13
„Ta solamente na Spanja y na Mei ta mi tabata; pero cu e siguiente felying nos ta bai India. Añan, ata e cura di piedra aqui, pa cual b'a quibra e dia un pida pa mi! Mi por yuda bo bula over dje cura...“
„Larga mi tene bo macuto anto si- quera?
„No, no, señor“, el a bisa sonriendo y a queda para indeciso, pasobra e n' tabata sa bon com lo e mester a despedi dje joncuman aqui. Lo e hobe haei un inclinacion of lo e por bai una simplemente?
„Prome cu bo bai, Mary, bo mester menciona mi un dje problemanan a- quel di bo cu tin bo asina preocupa. Mi n' tin nada di haci. Quizas cu lo por soluciona e problema ai. Mi ta

mehor cabainan; nan ta come cu for- kinan di plata; nan ta bai biaha y ta goza y mira mundo rond y nan tin hopi placa. Y mientras ami ta biba den un casita, mi mester traha duro y humas lo mi tin e privilegio di mira algo mas bonita cu e cerru Croek na Bowl a of hantaa lo mi haci algo o- tro cu solamente cushina, laba panja bunder cos, diña bestianan cuminda, hala lechi y cosnan por estilo. Ta pa- quico nan a nace como hende ricu y simi no?
„Mi n' sa“, el a responde.
„Pues, bo ta mira, ata bo a bisa mi di conta bo un di mi problemanan y ni contesta bo n' tin pe“, el a bisa cu un sonrisa; „y awor mi mester bai“. Y sin bisa ni un pia di palabra mas, den un frega di wowo e mucha muhe a bula over dje muraja y ma- nera un fantasma asina el a desaparece foi hasta di Ulick.
Capitulo V.
Tan pronto Mary a yega cas cu el a abri e porta, cu e mama a grite:
„Pero Mary, Ta unda b'a jardu asi- na tanto, yiu?
„M'a contra cu Sr. Ulick“, tabata e contesta foi su rosea. „M'a topé ri- ba camina“.
„Wel, wel, Y com ta cun'e awor? Lo e mester ta un joncuman balente, no?
„Wel, esaki mi n' por bisa precies, pero e ta balente y grandi y e ta hobe tabaca“.
„Pera yiu!“
„Si y e tin un bigoti y e ta sonrei y e tin wowonan gris... su wowo- nan“, un momento e mucha muhe a fene su rosea aden. „Su wowonan ta particularmente bonita“.
„Su wowonan! Cu cielo socorre nos. Bo, palabranan ta stranjo pa un mucha muhe di bo edad. Qui idea ho tin di wowonan di un joncuman ain- da?
„E n' ta parce su mama absoluta- mente; ni tampoco e n' ta parece Bar- ky cu su maneranan rudo“.
„Nos tin di gradici cielo pa esai“, e mama a grita. „Ulick ta un berda- dero yiu dje kolonel Sinomhargo, mi mester avisa bo, Mary, cu bo mester conoce bo luga y ho no mester ta mu- cho familiar cu e kaptein hoben ai. Bo sa tin maneranan masha stranjo di combersa cu hende. Tin bez mi mes ta spanta pa bo“.
„No preocupa ho pa mi, mama. Mi sa mucho bon quen mi ta y te na



**Oduber & Kan inc.**  
**Opticians tel. 2193**

No chansu cu bo bista

Wowo cu ta cansa, tin mester di un bril.

Acudi na un specialista i laga samina bo wowo.

Cu gusta nos ta yurda bo.

**ODUBER & KAN**  
 OPTICONAN DEN NASSAUSTRAT No. 47

**Raketnan balistico intercontinental Ruso**  
 WASHINGTON, 29 dec. — Rusia lo tin 300 raket balistico intercontinental aki 18 luna mas, por lo menos 150 di nan lo ta funciona perfectamente y nan lo alcanza nan doel den un rayo di 5 km.

E detallenan aki, cu ta scirbi den un estudio, cu ministerio di defensa a laga haci door dje firma „Rand“, a ser informa door di un funcionario di Congreso Americano, Roger Hillsman.

Hillsman a observa, cu un tal asunto lo nifica cu Rusia por haci forsa aereo di Merca indestructible den un klap, si Merca no stroba Rusia. Segun Hillsman forsa aereo ta e unico arma cu actualmente por haci un contraataque.

**EL CISCO KID**

„Scirbi lo siguiente: Saludos pa Jaime... y firma“. „Pa liko e ta bha bo scirbi e cos ey?“. Kende ta Jaime? Mi ta intriga. „Dios laga su handschrift coincida“. Mientras e grupo pator ta bisar: „Pura y entrega nan na nos, sheriff!“



**JUAN EL INTREPIDO**

„E patrulla fluvial ta informa, capitán. Nos canjeron ta continua rieuw abao... pronto e lo divisa e fugitivan“. Y na e rieuw... „Tende Juan. Motor di avion... ata nan ta bin busca nos“. „Mi ta comunicami cu e radio portatil, Kevin... maza e palo aki pami span e waya“. „Di Hazard pa e avion... nos ta keda precisamente abao. Den e prome vuelta lo por hiza dos pasahero. „Nis ta mira boso bon... nos ta bai baha“.



**DICK TRACY**

„Asina — laga nos cuminsa cambia e slotmachienan awor mes“. „Unda bo llavi ta, Popsie?“. „Mi llavi?“. „E mester ta den e bahuel di mi auto algun parti. Mi ta bai mira“. Laga para, mi a hanja uno den mi topcoat“.



**RIP KIRBY**

„Mi ta preocupa pa tio Joe, Rip... pakiko e no a hanja nos?“. „Mi tambe ta hanja strano, Cindy. Mihor bo cambia bo panja mientras mi ta bai buskele“. „Nan a remove e tapa di sarcófago ey... pero nan no a holbe pone na su lugar“. „Kiko... kiko ta pasa, Rip?“. „No acerca Cindy... bo omo ta morto“.



**EL PRECIO DEL TRIUNFO**

Julia mi quier e cifranan cu bo a copia! Clint ta bisa No Clint, mi a pasa basta trabao pa convence Saxon cu mi a traha en Lino! Danki, Julia, pero bo ta equivocada bo; di verdad mes mi a echa tur asunto cu mi! Laga haci quier i quier! Mi a dicidi eba promer cu Saxon a hini aqui... Un storia masha interesante, Clint! Bo ta spera cu mi ta quere bi? Duna mi e cifranan y lo mi duna bo prueba awor mes!




**EL DIARIO DE UNA VIDA**

Ban cu mi, Eva. Mi ta bay entrega e manuscritonan aki... nos lo papia e asunto, Eva a resolve di busca su rumann muher e mes... Ta bon, Maggi... e ta contesta tristis. Esaki ta un aldea grandi, Evita. No lagé ganja bo pa su tamaño... tan pronto mi tin tiempo, nos lo busca Julieta. Y dos muchu muherman ta camina ta camina den e ciudad, nan a jega na Editorial Winston. Bin un rato, nos ta sali mes ora, Maggi ta bisa.



**PEPITA**

Lorenzo tabata den un sonia profundo. Rin... Rin! e wekker ta rin sin stop. Lorenzo a spierta, bula hira ta mura e wekker, Stop di ring! Bo a tende? Rin... e aparato ta sigui haci lawaa. Stop di ring sino nu ta plama bo den e muraya ey! Ciel! porfin e ta corda en e mester manda e boton aden. No tin hende cu por spanta un wekker no e ta bisa den su mes.



**MANJAN ANOCHI 12'OR**

ANJA BIEUW ta termina...

....ANJA NOBO ta cuminza.


Haci un brindis,  
 un brindis cu Champagna  
 den  
**KELKI DI CHAMPAGNA**



di **CRYSTAL**  
 y bo huespednan lo sa cu nan ta den un bon cas, caminda nan sa kiko ta calidad.



Nos tin un **Coleccion escogi di Kelki di Binja** y otro **Kelki** di e famoso **ROSENTHAL** y e fabricanan di **KRISTAL UNIE**.



W  
A  
T  
K  
A  
N  
K  
A  
N  
K  
A  
N  
K  
A  
N  
A  
L  
L  
E  
E  
N

**DERROTANDO FRIESCHE VLAG....**

Continuacion di pag. 3  
 Pero nos mester bisa cu e hobennan di Friesche Vlag no a tuma e derrota manera nos a spera. Por ehemplo e manera cu e shortstop Pablo a laga un corredor na segunda ta laga hopi di desea. Tambe e buya y desorde cu un of dos di e hungadornan di e equipo aki a haci den kleeckamer despues di e partido no tabata necesario. E hobennan aki (y esaki ta pa TUR OTRO CLUB TAMBE) mester sinja y corda cu lo importante den deporte no ta gana of perde sino e forma den cual a ser hunga.

son, infieldhit di Zievinger, otro fielder's choice di Albus, error ariba rolling di H. Burleson pa tercera y un base por bola pa Becker a forza e carrera.  
 Dos biaha mas e flecheronan ta cruza home den e tercer inning. Albus y Burleson ta ricibi pasage gratis consecutivamente. Becker ta sali di pitcher pa primera adelantando e corredor-nan J. Tromp y M. Coronel tambe ta ricibi base por bola pa un carrera forza. Swaan ta sigi cu hit empuhando e tercer carrera di su club; despues Tromp a sali out. Burleson ta out number tres cu fly pa centerfield. E score 3-0 na favor di Arrow.

Cuanto biaha no ta pasa cu un equipo perdedor ta haci mihor impresion cu su vencedor. Esaki ta simplemente pasobra nan sabi ta com ta perde. Un deportista, por yama su mes deportista ora cu e ta masha sportief tanto ora cu e ta ganando como ora cu e ta perdiendo y ora cu ya e la perde tambe. Nos futuro: estrellanan di baseball, y pa loke nos ta mirando esakinan lo ta hopi mester percira di sinja esaki tambe. Laga nos spera cu ta di promer ultimo biaha, loke a pasa dia Domingo.  
 Pitcher ganador a resulta Colai Carolina, kende a cubri henter e ruta pa su equipo. E la permiti cuatro hit, regala tres base por bola y poncha 9, mientras cu su equipo a comete 3 error. Record di Carolina ta te awor lo siguiente. Tres wega gana, 20 inning lanza, 39 poncha, 6 base por bola duna, 11 hit ricibi y 5 carrera permiti. Di e 20 inningnan, e la lanza 16, ceros!  
 Richardson a resulta pitcher perdedor. E cuatro lanzadornan di Friesche Vlag a ricibi un total di tres hit, regala 11 base por bola, poncha 4. E equipo a comete 3 error tambe.  
**ARROW A LAGA COCOMALT DEN TERRENO**

Cocomalt ta mira un carrera bai perdi ora cu Zievinger ta lubida di pisa tercera base despues di conecta un batazo di cuatro, skina.  
 Pero den e quinto inning si Cocomalt ta anota su promer carrera. E biaha aki ta Nobrega ta conecta fuerte den jardin derecho pa un homerun, cu a pone e score 3-1.  
 Lazando Schoop pa Arrow e partido di sexto inning. Toppenberg ta embasa cu error di shortstop. Kelly ta ricibi base por bola, pero Solo ta come ponche pa promer out. Toppenberg, Arends y Nobrega ta ricibi base por bola consecutivamente pa dos carrera forza cu a empata e wega. Schoop ta recupera su control sin embargo y ta poncha Brokko, mientras cu Estalona ta rotata pa tercera, caminda e tercer out di e inning ta worde forza.  
 Arrow ta haci bon uso di su ultimo oportunidad na bateo. Burleson ta habri cu infield hit. Zievinger ta muri di segunda pa primera, pero adelantando Burleson te tercera. Despues cu Albus ta ricibi base por bola intencional. T. Burleson tambe ta worde obsequia cu un pasage gratis kedando asina tres corredor na base. Despues di e base por bola intencional lanzador Toppenberg no a recupera su control y a duna Becker, cu tres na base, tambe 4 lanzamiento malo pa e carrera decisivo worde anota camnando door di Burleson.  
 Cocomalt a keda den terreno asina cu nan tercer derrota den cuatro salida. Arrow tin awor 3 wega gana y dos perdi.  
 A cuminsa lanza pa Arrow M. Lopez, kende a worde releva door di Schoop, mientras cu Cocomalt a usa e dos rumannan Toppenberg.

**Holoshi Universal Polerouter e mihor**